

O concelleiro Juan González denuncia a inseguridade no camiño de acceso á Area Fofa en Monteferro.

Escrito por Redaccion @valminorinfo
Mércores, 27 Xuño 2012 21:18



O camiño de Area Fofa, ao carón de Monteferro, é o acceso a praia do mesmo nome así como á cala de Punta Feitales, asemade de acceso a numerosas vivendas, "leva máis de dous meses en estado lamentable e cun enorme socavón que crece día a día coa indiferenza do goberno de Nigrán", denunciou esta tarde o concelleiro Juan González (PSOE).

Agrega que unhas insuficientes vallas metálicas oxidadas e un metálico ou somier, "representantes do máis concorrido feísmo", están colocadas no lugar co conseguente perigo para os viandantes.

O portavoz socialista informou que o seu partido esixirá ao alcalde Alberto Valverde que repare "de xeito inmediato este tan concorrido vieiro antes de teñámonos que arrepentir por calquera desgraza".

Por outra banda, González sinalou que asemade os camiños e rúas de Panxón "levan meses sen limpar co conseguente deterioro da calidade de vida de nosos veciños e veciñas".

O concelleiro Juan González denuncia a inseguridade no camiño de acceso á Area Fofa en Monteferro.

Escrito por Redaccion @valminorinfo
Mércores, 27 Xuño 2012 21:18

